



INTRODUCZIUN

DA FLURINA CAVEGN-TOMASCHETT

Il text ei vegnius screts d'in temps cura ch'igl exil a Babilon era a fin. Il marcau da Jerusalem era denton aunc adina occupaus da pussonzas jastras. Malgrad tut gauda il pievel giudaic grondas libertads, quei ch'ei era stau il cass duront igl exil. Igl autur dalla tiarza part dil cudisch Jesaja (Tritojesaja) mira plein speranza e curascha enviers in bien futur e vul dar curascha a siu pievel entras siu sriver.

Da Jerusalem anora radiescha glisch da giustia perquei che JHWH ei presents leu. La relaziun denter il marcau e siu Diu vegn cumparegliaus e descrets cun bials maletgs da carezia denter spus e spusa.

1. LECZIUN

Per amur da Sion° sai jeu buca quescher,
 per amur da Jerusalem sai jeu buca star ruasseivels,
 entochen che sia giustia sesaulza sco ina glisch,
 e siu spindrament arda sco in tizun.
 Lu vesan ils pievels tia giustia,
 e tuts ils retgs tia splendor.
 Ins vegn a clamar tei cun in num niev,
 in che la bucca dil Segner ha destinau.
 Ti vegns ad esser ina cruna° da gloria el maun dil Segner,
 in diadem° regal el maun da tiu Diu.
 Tei vegn ins buca pli a numnar: Bandunada!
 tia tiara vegn ins buca pli a numnar: Devastada!
 Na, ti vegns numnada: Mia letezia!
 e tia tiara: Spusa!
 Pertgei il Segner ha plascher da tei,
 e tia tiara ha in spus.
 Pertgei sco in giuven pren per spusa ina giuvna,
 aschia pren tiu autur tei per spusa.
 E sco il spus selegra da sia spusa,
 aschia selegra tiu Diu da tei.

Jes 62,1–5

◦ crest a
 Jerusalem, nua
 ch'il tempel
 sesanflava

◦ tals maletgs
 demuossan sia
 dignitad a pèr da
 siu spus, il retg